



Crescher si en il mund da las medias

Rumantsch Grischun

Chars geniturs

Il mintgadi d'uffants pitschens è multifar. Giugar, curren enturn, scuvrir la natira, traffitgar en il tegnairchasa, raquintar e rapportar, guardar cudeschs, tadlar CDs, dar gieus sin il telefonin e guardar televisiun: tut quai fa part da lur experientschas quotidianas.

Cunquai che Voss uffant vegn en contact gia baud cun da tuttas sorts medias, dovra el Voss sustegn. Sch'el emprenda d'ir enturn a moda raschunaivla cun las medias, al gida quai a dumagnar pli tard las pretensiuns en scolina ed en scola.

Vus pudais resguardar il suandant:

Ensemen è meglier che sulet

Cura che Voss uffant consumescha medias, emprenda el il pli bler, sche Vus al accompagnais uschè savens sco pussaivel.

- Durant ch'el guarda cudeschs po el raquintar a Vus tge ch'el vesa.
- Durant ch'el taidla CDs po el raquintar a Vus cun agens plets legras passaschas u chantar suenter chanzuns.
- Durant ch'el guarda films po el sa fultschar cunter Vus, e quai betg mo, cura ch'el ha tema.
- Durant ch'el gioga cun apps u al computer po el mussar a Vus tge che al plascha.

Reglar il consum da medias

Consumar uras a la lunga medias cuntrafa al basegn d'in uffant pitschen da sa mover e da tgirar contacts socials.

Per sviluppar ina cumpetenza da medias èsi impurtant che Voss uffant possa scuvrir ses ambient cun tut ils senns e che Vus limiteschas il consum da medias.

Tscherner cun quità

La purschida da medias è immensa. I vala la paina da guardar bain e da tscherner purschidas che correspundan a la vegliadetgna ed als interess da Voss uffant. La qualitat è pli impurtanta che la quantitat.

Duvrar las medias a moda activa

Fotografar sez, filmar e far registraziuns sonoras corresponda a las mirveglias ed al regl da scuvrir da Voss uffant. El emprenda uschia co che las singulas medias funcziunan e po uschia era differenziar tranter la realitad e la represchentaziun mediala.

Ils geniturs èn ils exempels

Vus essas in exempel per Voss uffant. Voss uffant As observa e vesa quant savens che Vus consumais tge medias – gasettas, cudeschs, computer, tablet – ed el vuless imitar Vus.

